

徐  
捐  
廣  
集



努力行與沈二宏度

予嘗謂西陵人文之盛掩軼今昔而一時志節多出文士洵卓犖已因作此題沈子魚自勵焉

西湖之水清且漣雙峰挺秀排雲岫昔時王氣  
直銷臥龍飛鳳舞爭迴旋國朝名世曾聞出勳  
望輝赫凌前賢崇禎之末人文盛斗牛遺墟光  
射天陸柒陳孫先著鞭雄才麗藻紛騰騫詩章  
西園亞文體欲度東京前途時不辰久偕  
隱閉門述作誰為憐數公壺壇未勁敵諸子揮

毫方少年沈郎兄弟何聯翩三錢英妙還比肩  
飛觴落塵恣歡笑文采縱橫佳句傳中有小陸  
最雋逸初日澹蕩芙蓉鮮余也駕鈍寧足數但  
對爾輦心豁然沈郎夙昔青雲器經史駐腹真  
使、已羨明珠隨咳唾更携幽璞埋林泉感慨  
論交情不淺悲歌相弔涕淚連薊門黑霧暗金  
闕越江白浪翻晴川與汝覓眺只長嘯當飲安  
得囊中錢放浪且向酒壚側調笑胡姬拾翠鈿  
頭上短髮那常黑爨底死灰誰復燃幅巾布褐  
湖山邊不爾跛躄窻下眠我過三十汝漸及生

無所成空憂煎平臺授簡盡英傑竹林把臂難  
攀援努力著書追作者肯讓楊雄獨草玄

篇中陸柴

陳涿謂景宣虎臣際叔字台諸公三錢小陸則昭令眉吉茂人拒石諸子沈郎兄弟乃宏度與修敬允莊也

題文待詔畫許氏鶴所圖卷後

客有贈黃門雲邨許公竊者以其一遺  
第樂仲翁畜焉文衡山先生為寫竊所  
圖筆墨清遠余與翁之裔孫欲爾友善  
見而樂之遂作長歌以紀其事

支公昔好竊翦翮徒懼喪惜彼凌霄姿既畜旋

復放九杞山人逸興同別雲邨誰携仙禽贈滿籠

霜毛玉質豈獨翫一鶴曾歸樂仲翁當時工画

者吳中文太史寫作鶴所圖揮灑得妙理林木

飄蕭空山寒寂、茅亭坐倚欄鬢眉欲動方靜

觀此鶴意態自閒整矯立亭前振羽翰頓趾仍

矜頤引吭欲長唳蒼苔白日間逍遙獨停憇爾

鶴真翩、何不飛上層崖巔更棲松枝步竹影

下戲曲池清且連浴之使爾顏色鮮我聞子晉

騎入白雲中羊公驅舞翻氍毹但須兩翼陡健

舉高翔千仞凌清風翁有琴兮列在几便欲撫

弦動操彈別鶴恐汝哀鳴還復止鶴兮鶴兮誰

為侶一是主人一童子得其所哉爾休矣

題黃山周將軍祠將軍名應禎嘉靖間為

之黃山頗多殺獲以伏發

黃山古道陰風生松林颯、吹月明周侯祠宇

傍高嶺靜夜彷彿鐵騎鳴嘉靖年中灾禍切島

夷深入窺閩浙往來飄忽恣無常東海之濱滿

碟血跡乃足披髮揮雙刀盤舞跳躍同猿猴千

家百家恣剝虜可憐村市徒哀號侯也是時怒

衝髮左挽雕弓右仗鉞馬頭飛鴉著箭墮相傳

將戰

時有二鴉飛鳴一提兵力獸當山窟須臾小醜勢  
馬前射落其一逃聚林樾大呼逐北氣雄哉伏戎  
不支半死半逃聚林樾大呼逐北氣雄哉伏戎  
何意逢倉猝吁嗟爾侯空陷沒吁嗟爾侯雖陷  
沒身騎箕尾上天門搖曳雲旗神恍惚虜裳凜  
凜憶鳴珂毅魄英姿今若何尚有土人嚴禱祀  
醜酒豚蹄羅拜多我思丈夫提戈志滅賊縱無  
成功須殉國如周侯者豈易得生身分闔死廟  
食赫聲濯靈安有極檜栢幽森烏雀啼徒倚黃  
山三嘆息

游仙歌贈一峯上人

海昌顧氏有仙降于此諱其名姓自稱  
一峯老人固問之則謂生於司馬晉時  
隱太華山仙去不以姓氏傳泄人世久  
矣顧氏虛其一室信而奉焉所撰詩詞  
決人臧否休咎頗有驗者余往叩之老  
人為作長短句辭旨粲然風調亦極瀟  
灑多致并謂余小子稍習吟咏屬以賡  
和不揣庸鄙聊製造仙歌呈聽焉

蓬萊宮闕何縹緲風濤滅沒雲烟杳仙路茫茫  
不可尋飛來安得三青鳥一峯老人古隱流采

真服氣長優游典午之際盛方技旌陽勺漏皆  
其儔嘗堯泰華神靈窟問君何處供冥搜滄桑  
屢變城郭改去今千載魂來遊魂遊東海濱言  
笑難為因玄閱常聞寂高座空橫陳有時恍與  
人世接印沙畫字如有神詩章敏捷或矜慎擺  
脫塵俗標清新徐生落魄高陽徒壯年慟哭當  
窮途再拜叩君乞消息吞聲咋舌心踟躕老人  
語賤子爽直多所宣莫作嘯嚙態我爾若亦然  
余初叩問時聲不朗徹且多委婉老即示之須  
日徐生白事不妨直指予不變作喁、態云須  
必運思筆勢捷詞采縱橫風格逸余也欽崎可

笑人感君知己勞稱述枯槁沉埋不足論澤畔  
行吟二十年春老人所作長短向有欽操觚未  
崎磊落枯堯并沉等語入作者室小巫氣盡逢仙真我聞地上黃石書  
一編漢庭帝師得其傳亦有方平授仙術蔡經  
謹浪曾加鞭老人靈異同喬松何時彷彿覩爾  
容欲求丹訣君許否驂鸞駕鶴期相從二月飛  
花風雨好風伯清塵雨灑道萬里雲霄汗漫遊  
太華山頭歸去早徐生強奏遊仙歌一峯老人  
意若何

永祚寺 御賜衣盃歌

寺本南宋勅建有碑紀年洪武中有僧  
楚石名琦者續構梵宇以精持法戒召  
至笛都道場演誦大乘詳見海鹽邑志  
所載鴻鵠盃一具白龍衣一襲陞綴華  
潤色澤殊古相傳為高皇  
帝所賜寺僧迄今寶焉

浩叔傳南渡海嶠遙相對殘碑尚歸然宋室竟  
安在山河混胡塵日月開草昧聖皇應運生釋  
教未全廢吳中有桑門戒律超倫輩寧湏面壁  
同曇摩遠公東林不啻過鹿苑宿構本宏敞龍  
宮再闢真筵茂洪武之末曾召見山僧徧自膺  
宸眷講席常依雙闕傍法言欲演三車徧是時  
御賜有光華七寶飾座奚足誇披衣絕勝白鶴

鼈携鉢倘生青蓮花我聞却鄒鼎沉淪向泗水  
亦有斬蛇劍飛出武庫裏從來神物不可久周  
漢之初豫知否本朝建祚三百秋炎精厄數遭  
陽九西北烽烟匝地來兩京城闕皆不守先帝  
遺弓誰抱號太常宗器今何有閒遊古寺空淒  
其一衣一盃藏于斯豈藉鬼神呵護力不與鐘  
簾俱遷移明、高祖靈在天、皇覺潛憶昔年  
珠襦玉盃埋荒草淚洒鍾山寢夢墓前

題查石丈小像

像有二合為一圖其一則  
弱冠所寫張子仰射其一

則立年所畫未書卷  
藏今又二十餘載矣

彼其之子婉清揚彎弧慷慨志四方風塵驟起  
伏環堵挾笑栖遲友千古審厥象方察汝神是  
也非耶兩故人神骨不殊意態別有淚長霑頭  
上中白面朱顏青鬢斜少壯須臾感歲華張者  
弛之弓五石卷而懷之書五車悠然抱膝日匡  
坐為爾撫圖三嘆嗟

觀朱鷺墨竹畫卷歌

鷺字白民是卷乃天啟間所畫姚江宋氏

寶而藏之海昌友人多有題識余見而賞嘆作為是歌

世人看竹都解愛巧藝逼真畫手在峭嶺移從  
巖谷間清幽分映庭墀內風翻雪落容狀歌月

落星移光影碎高柯老幹鬱蔥青紛披枝葉相  
當對古今畫竹誰第一吳中朱鷺亦挺出拂紙  
揮毫膽臂雄排空挺秀姿態溢低昂交錯整更  
斜濃淡縱橫疎復密盈丈力將百丈兼數竿勢  
與萬竿匹非徒形似覺神來倔強開張真健筆  
筆跡流傳五十春有客藏之比席珍牕前彷彿  
陰森滿几畔參差蒼翠新海濱故人倚書幌品  
題墨妙閒欣賞漫疑湘浦雙淚班不羨渭濱千  
畝廣淶溪徐生夙愛竹形影蕭疎慙幽獨尋游  
慣向王猷家隱遯偏宜張廡屋乍觀圖畫心目



開緩調微吟好句催爽氣可能消鬱燠曠襟直  
欲淨浮埃入林把臂總吾徒飲罷思鄉旅况孤  
朝暮展卷胡為乎山園村塢日棲托益信此君  
何可無對君忽愁、莫銷詩畫留連興寂寥勁  
節已知多屈抑孤根豈謂長飄搖參天那得凌  
霄上歲、冬寒獨後凋

長歌贈別葉君明遠還衢州

明遠別號天山子  
所居在衢之石塘

西安隱者葉天山年踰六十亦云老半生常著  
白衣冠蓬髮蒼髯顏色好憶昔知君十載前陳

張何許同周旋

乾初考夫高隱  
欲爾諸君子

問道祇應來海

曲賣卜無妨向市廛客子囊空旅遊倦歸去家

山日著撰聞聲徒爾寄相思嘆息相思不相見

爛柯仙侶難再遇姑蔑古城當非故霜橋丹黃

秋色佳愛殺石塘千萬樹歟忽風塵起闔越兵

戈滿眼相排突獨携猶子潛出奔浮江東下何

倉卒禍患流離境趣惡黃冠緇袖聒依託朋友

翻傷死別多孑然形影增蕭索江郎舊是忘年

交爾移家河渚君為客施子幽居下榻頻贊余

也心欣逢心莫逆比隣更得陸秦沈拒石開樽  
地宏度樽

壘各、暫招邀呼盧浮白娛羈旅有時傾倒連  
昏宵興酣開口恣談笑扁舟雙屩耽游眺陡爾  
怫鬱從中來荒齋兀坐神摧頽丈夫垂老最坎  
壘生兒早夭厄已甚天寔為之可奈何但須沉  
醉兼高枕孤踪流寓恰三年把臂輸肝覺汝賢  
理窟藝林尋味久襟懷爽豁情怡然溪山幽寂  
堪長聚別君且欲留君住停杯牽袂幾踟躕愁  
腹那得米佳句朔雁哀鳴不忍聞江天霜月悵  
離羣涼秋重鼓錢唐施天目峯頭看白雲

翫榴花戲為短歌

辛酉

榴花灼、似火珠西海仙種光色殊春盡即開  
一何早初夏競發繁且都我聞珊瑚之樹高數  
尺榴也尋丈還增益積移入京華異海疇彼梅  
難得此易覓為花為樹微分析赤色紅光兩相  
敵珊瑚作架石榴裙安得粲者兼能文

遣興短歌

我聞上古之神仙吞精喻氣延壽年底事不飢  
復不渴大還九轉藥空傳鄙人亦有辟穀方禦  
渴以水饒無妨餌之但覺少羸憊短詠微吟興  
莫當

酒盡興闌石農復出觴饌對飲竹廡喜而  
作歌

獨酌南窓滿壺足詩成自笑已人曲我友歸來  
逸興多更進杯觴奏短歌兩旬止酒連宵飲漸  
入沉酣快已甚為醒為醉意趣殊急掩空幃恣  
高枕

夜醒得句與石農

終日不食夜不寢吞葯托病君所審渴何足怪  
飽亦奇貌瘦神清我自知只今饘粥日在口夜  
飲痛傾滿樽酒飢飽肥瘠任此身高卧長為獨

醒人

戲作俳諧體四首示所知者

當在遣興短歌  
後誤錄于此

有客長貧病不休慣耽雜戲散閒愁良朋入座  
決賭急博蒲五木非其儔巧者多勝拙者敗錢  
刀已盡書籍代卷帙相傳漸欲空尚爾沉迷不  
知悔

渚村土俗多朴鄙利源開自世家子已將丐貸  
飽贖囊每因夸詐凌閭里舊好于今轉阮窮維  
彼忍心甘忍此開門揖盜一何愚若飽欲死汝

飢死

士子愛財即強賊欺誘奪劫無不有况乃宋江  
三十六出沒縱橫在君手敗或負人勝逼人謀  
富妙術何所本大猾相逢倘有時天道反覆滿  
招損

丈夫品概辨義利取與之際有偽真取惡非道  
與傷惠何况朋侶爭金銀宵晝醉飽恣劇戲設  
机舞智忘勞辛堪笑聒者誇知人羨彼材高世  
絕倫

甲子歲夏四月許氏菴茂堂感賦與悔齋

兼呈陳惕非何商隱

菴茂草堂黃山麓梅竹蕭疎松桂幽百鳥弄音  
娛我耳雉鳴乍歇頻啼鳩主人把卷臨南牖客  
子濡毫傍北窓高設逸興連晨夕閒傾瓦甌挑  
銀缸冉、流年君已耆諸兒迭侍幼孫揖余也  
論交近三紀隻影徘徊慙集首夏清和正麥  
秋桑林四望綠陰稠相携不厭歷壟陌聯扶短  
杖供尋遊憶昔海隅多故人死亡踰半堪悲辛  
寥、存者老且貧許子視余情尤親兄事更有  
何與陳褐衣寬博墊角巾蒼眉素鬢髮如銀采

芝商皓差足倫空谷行歌同避秦河清難俟壽  
無幾吾儕志願甘已矣愁顏忽變笑口開曆運  
今逢新甲子烏兔重輝久盼殺徐王最少五十  
八

鷓鴣篇呈贈石農子

故人隱居三十秋予亦流寓十五載村境幽邃  
渚浪輕山光樹色渾無改舊從東閣耽棲宿南  
偏廡舍娛新築微吟正可傍寒梅徐步翻宜向  
叢竹平仲善交夙所欽羨君氣誼一何深泉石  
已知非異調家庭恰幸得同心豈惟口腹相累

久浣滌紛綴無不有朝奉槃水夜篝燈傭奴承  
命供奔走昔年饒給今貧落結友留宿仍自若  
家僮散去誰復還暫將瑣細閒操竹作客子棲  
遲開戶多含毫把卷研摩娑時携茗椀消渴吻  
倒盡樽醪顏欲酡躬親往、頌賢主兒孫服勞  
難悉數應對寧嫌隔短籬出入不辭逢驟雨君  
情益篤余轉慙哀顏憔悴髮鬢鬢眼前人事遭  
輕薄反覆變態誰能堪孤踪飄蕩笑無家戎友  
有宅臨水涯垂老相依感歲華思彼古賢復何  
加臯伯郈成奚足誇鷓鴣蚤覺一枝花繞樹愁

看日暮鴉

有嘆

麟種豈易逢鳳毛不可買世上兒子佳者稀老  
夫無後差自解四體雖全隻鬢禿儒冠偷活真  
碌、學道未能怯著書先人生我亦牝犢

戲作眼鏡歌自嘲

噫我少小時兩目幾如電月下能細書味爽輒  
開卷浮生四十餘瞻視已昏眊豈緣愁憤深亦  
關精力耗故人勸我急護惜西洋神鏡良有益  
哀邁迴光等盛年炯、寧殊朝與夕吾愛吾眸

頻覓此加置鼻間防墮毀旁穿織孔比鍼芒貫  
之以縷掛雙耳少錢安得真玻瓈已覺顧盼非  
昔比初既扶伊閱墳典小者可大隱者顯更復  
倚渠辨點畫密者若疎合者圻瞭高望遠皆所  
宜洞達兼能透罅隙珍重愉快無日無偶爾脫  
墜恨難釋返照映川、益清薄雲籠月、倍明  
刮膜不藉金篦助漫向車渠較重輕杜詩金篦  
刮眼膜價  
重百車渠青睛徒有作白眼翻難作把酒對花獨不  
可恐惹他人笑殺我

雜感二首

璞玉不沽櫝不買俗子無知疑且駭達識深通  
肯受欺妙用善藏難索解欺者徒勞解者稀須  
從物外得先幾世途險易翻多變人事誰分是  
與非

不嫁已同嫁畢女漫向他人論出處是非真偽  
摠洞然濁清邪正分儔侶爾為爾今我為我染  
絲岐路無兩可蒲柳輕揚秋易凋松幹凌寒節

磊砢

夜卧幽居南廡夢遊東垞梅竹間覺後賦

此寄呈悔齋并簡贊伯

此乙丑夏補甲子春作因悞錄

此于

我昔遊海濱東垞托跡頻其後入河渚幽居慣  
安處東垞莊園亦深杳梅樹半摧竹四繞幽居  
籬徑絕囂喧修竹蕭疎梅正繁兩家主人許與  
施豈惟我友亦我師氣靜神怡學道友一生篤  
行曾無虧樂天任運少愁憤襟度寬和貌溫謹  
巖野林池足自娛衡門之下甘終隱鄙人性疎  
狂二子不予棄先後成密交把酒寧辭醉、酒  
憶賓筵彷彿猶記年壬辰秋八月初泊東垞船  
從此屢停憩空驚四序遷幽居遲問渡庚戌冬

云暮入座杯已空縱飲不知數往返肯憚煩中  
流任沿汴渚曲羈棲憶海濱春日扁舟未故人  
訪尋百里閒乘興披肝促膝情何親許子臨眺  
甚懽悅謂予此地真佳絕幽偏自足避風塵僻  
阻無勞向岩穴良朋賢主更相兼嶺月溪雲耐  
久淹圃畦參錯沼泚映况有花枝覆戶簷予聞  
斯語意轉愜施君高義能容接築館留賓十載  
餘共賦新詩將滿篋兩公齒踰耆予也幾及之  
相逢堆慨嘆暫別增懷思懷思可奈何情事但  
蹉跎遽逢新甲子感舊淚痕多我卧幽居梅竹

叢一夕夢遊東垞東綠葉陰、白花滿竹篠梅  
林行步緩風前光影各紛披忽在山隅忽水涯  
東垞重到且留住迷茫何路幽居去

老友挾小妻行為某君作

老友忽挾小妻至窳就西鄰思避地笑指東家  
一草堂主人不在堪栖寄主人有室正歸寧主  
人有子方隨侍主人有婦且有孫婦弱孫幼我  
能制遽呼彼孫吾詔汝迺祖舊交昨抵渚挈家  
數口自江淮將于此土求安處吾宅湫隘難更  
容暫憇幽居猶得所入告若毋速屏除此意已



決莫輕拒答言慈親面諭某行止當白大父母  
過賓造訪必登堂僑寓未知可與否語重辭複  
如弗聞擔囊負篋何紛、南軒東閣竟闌入指  
揮自我無復云他人入室主不知有客到門駭  
且疑堂中彷彿走婦女金爐陳几奚以為主人  
之子出相見悶懷愁緒盈顏面父執藏嬌向敞  
廬西隣良友翻專擅倏將東閣作深閨頓使南  
軒成別院爨烟塞蔽廊宇間更從何處披書卷  
此事絕竒亦絕少兩賢作事非了、爾有齋樓  
可寄居詎必遷移致煩擾故交塾舍十里餘急

足奔問寧杳渺先發制人、弗違稅榷銳捷殊  
難曉主人雅量默無言欣逢老友傾清樽內庭  
并招小婦飲各謝前咎還銜恩爾時親串紛相  
過草堂不得分行坐衆口交訛憤歎兼鵲巢鳩  
據真無那老友踰階聊代謀別尋村舍供淹留  
君也唯、即偕往南徙唯湏一葉舟底事西鄰  
多計數欲換東偏新閣住閣子仍在堂軒傍捨  
彼就此問何故是日賓朋滿樓上或含嗔恚或  
惆悵我謂左廡我久居廡閣相連更相望身為  
孤客彼有姬籬壁密邇豈所宜高樓假我獨休

息新聞雙棲亦聽之况復河濱有一廬主人昇  
汝再經年留伊去僕長停止朋友胡為反不然  
夫、聞言色媿沮賓朋悵恚猶羣聚術窮理屈  
可奈何一廬庇托姑強許交情未肯厚羈旅遲  
緩經旬始付與友老遷寓扶小妻尚訝狂生發  
莊語

此追述丁巳年事掩諱已久猶詐轉深  
作為是詩聊以紀寔尚慮閱者疑其文  
致特以直率語出之雖淺俚過甚然無  
一字隻語弗真也以下雜述四章暨律  
絕中即事憤嘆諸咏其詞旨粗  
樸皆類是時乙丑秋八月也

雜述四首

久住深村真樂土故舊相依反相侮家僮跳梁  
去不還誰使作鄰增跋扈見說逋逃倚淵藪誘  
彼為傭事堪醜主僕名分愾不知君臣大義復  
何有

主婦驚辰亦云極僕有悍妻漆羽翼詈交加  
壓近隣、媼畏之都忍默操刀曾傷男子頭主  
翁庇護語不休有客憤甚面相斥爾輩翻將客  
作讎

達人亦自傾肝鬲比來肝鬲非曩昔多欲頻將  
權計參結交最戀名利客名利之客雜且繁結

交未盡勞攀援獻書寄札貪相答意氣揚、發  
大言

愛竹、地安可易爭桑、根斫不惜繭絲錢刀  
獲幾何氣鼓逼人胸量窄舊交別去如被逐彼  
則怡然爾不惡鄉曲稱雄霸一隅他年定築黃  
金屋

贈友

山陰男子天涯客少壯膽智誰能伍棄家弗顧  
態若狂情事難言心跡苦莫道幽居甘抱膝南  
北東西任奔軼破浪乘風萬里遊曾到蓬瀛觀

日出竒計無成歸去來湖樓坐對神推頰新交  
舊識頻携手把卷揮毫醉酒盃壯懷不減劉越  
石豪氣翻同李太白忽題佳句慣驚人起舞中  
宵徒奮擲精舍閒房聊寄身窮途空橐添酸辛  
丈夫餒凍暫忍堅會須列鼎鋪重裊、塵世  
竟何如欲向遊仙學步虛逍遙方外非君志經  
有陰符亦道書

倚憇行題施子石農畫像

幽居隱者靜且幽曩昔尋眺惟林立幅巾野服  
娛獨坐容儀閒整情優游隻眸凝定微含睇有

須鬢、眉澹細垂手撫膝何所思似笑欲言唇  
半閉君也逸性耽梅花、朶錯落枝橫斜密蕊  
繁條難悉數盤根老幹紛交加雜卉高低岩畔  
映苔痕蘚迹幾無刺丹崖迤邐碧澗流晴空烟  
靄遙連巨闕中玉生繪工素為君點染當哀暮  
形貌宛肖神亦然綵毫揮洒饒佳趣淥溪放民  
君老友羈旅相依年歲久寫生恰在三冬前今  
春題像非云後掛向東樓朝復夕西牕展玩顏  
咫尺漫從支體辨妍媸但將面頰疑肥瘠我對  
畫圖頻盼矚粉墨蕭疎能遠俗不煩景物添附

多倚樹憇石意態足

題雪巢圖

雪中有巢何人居容態彷彿如瓊虛梅林參差  
巖石遶境幽景曠情蕭疎瞻彼雪巢不可攀高  
空營構須臾間作者為誰繭菴氏繪事清脫無  
塵滓繭白何如白雪白為菴為巢孰寬窄雪滿  
巢居人忽亡繭菴對此能無傷

壬申元日作

日食曾幾許災祥無足道當陽是阿誰天意新  
謹告前此五日春暖驟虹雷雨電紛相湊雨止

風生暴且狂臘盡冬殘真罕邁今當元朔倍暄  
和鮮帶翻嫌扶續多孟取氣候難占測節序乖  
愆奈若何旭旦晃朗晚照昏不須薄蝕變乾坤  
浮雲層匝衝飈急吟望堪銷旅客魂

孟春三日大雪即事成詩

元日過暖燠夕眺迷黃沙驚風何猛厲氛靄亂  
交加昨晝變陰寒今晨積凍雪莫謂天心不易  
窺歲首逢之殃禍切我作短歌喜嘆兼筆毫揮  
罷酒色添

春壽篇二十五韻奉贈秣陵李遂初丈八

十初度詩云為此春酒以介眉壽撮彼

也其生辰為癸酉年三月十有七日

春日轉暄和春風何駘蕩春花爛熳香春草芊

韋長時、春酒沾歲、春筵敞嚮者僕乘暇過

歡自七十稱觴後每逢生朝輒久客有故侯跡

張讌名客僕恒與馬敵猶開也晦情慨慷髮鬢總素絲皓白真無兩柔潤面若

童豐肥背亦盜書卷固足娛金陵頻夢想壯盛

從他邦哀邁交吾黨析肝相信深問齒最居上

人生八十豈厭多年齡遐永閑形象大耄之眉

碧以黃滿百方瞳高額頽春米景物徧林郊愛

向三春獨尋賞樓畔春城恰遠  
牕檻外春流堪盪漿默坐徐吟  
春復春科頭抱膝閒抵掌疇酌  
都宜進兕觥扶掖兼須進鳩杖  
追思十載前一榻恣偃仰君也  
寓照成索我題君像披圖興欲  
狂下筆神俱往岳老耐清幽既  
老仍豁爽丰姿色笑是耶非意  
態襟期惚兮恍賣藥逃名奚所  
求指樹作姓將焉依西江別駕  
竟誰知東海遙傳云表東海者其太公乎是則華維暮之春未歸必得其壽長享幸逢初度獻新詩喜話

曹寧伊罔

又在仕籍本呂姓避地紂居東海之濱

傳云表東海者其太公乎是則華維暮之春未歸必得其壽長享幸逢初度獻新詩喜話

平生叙疇曩

沙河述舊和彬遠上人原韻奉貽金陵遂

初李文有序

丁卯季春上旬七日抵李二丈遂初家  
見門扉間有沙河行一十八韻延彬遠  
上人題贈者風調雋爽斐妮盡致予擬  
作歌和焉李文亦以是相屬即采撮上  
人諸韻連綴成章體制畧同首尾粗具  
又鄙人著撰惟取朴真不欲以綺語蕪  
辭潤飾情景題曰述舊感慨良深字句

工拙非所顧矣既貽李丈兼質彬公合  
響齊聲拘牽已極效顰學步肖似較難  
咄、徐生才思率劣雖乍矜其一得將  
受嗤于兩賢適所和七言歌行既成聊  
為叙予意指若此

菜花吐黃桑葉綠高堞閒亭水一曲木瓢瓦缶  
集賢朋奚必傾銀兼注玉老夫扶杖任西東郊  
市林泉托足同明月在天增鬱塞那堪雲霧散  
空濛忘年結交吾與爾忘世忘人亦忘已忘形  
更結方外交彬即謂公俗儒鄙瑣姑舍是春秋七十

轉蹉跎秋氣春光感嘆多時、茄角喧清晝歲  
歲塵氛暗碧波回憶故園并故國短衣敝帽情  
酸惻霜鬢凋殘雪滿頭眼中日輪久傾仄清淺  
沙河且樂貧餘生羈旅耐艱辛錢唐江上勞西  
望揚子風濤隔遠津

再和沙河行一十八韻贈栖禪院主永嘉

彬公

余既依彬上人韻貽李丈復作是詩贈  
上人仍依其韻步趨不易撰構率成莫  
相答酬增我反覆

銷愁不覆杯中綠，邀懽肯顧筵前曲。拂紙濡毫，興趣米半生吟咏，噴珠玉。蕭然幽刹東郊，東西湖休憇，將無同竹動。偏宜風裊、花開乍覺雨濛濛。携瓢掛衲，聊復爾塵根淨業。皆由已靈竒，辨慧昔紛、圖澄羅什都非是。漫從僧臘，嘆嗟疏少壯行遊，浪跡多杖飛。擬築山中寺，杯渡須衝海上波。騷客詞流滿鄉國，逃禪為汝翻憐惻。甘向空門老異才，年貌將衰暮景仄。枯坐清齋，共兀貧徐生，儒服倍酸辛。慣聽曉鐘發，深省茫茫人世。總迷津。予寄寓美蕪院舍已一載餘，故結四語有及。

客寓美蕪禪房對梅有感寄石農隱君仍

用前韻有序

幽居久客花樹爛然，忽焉播遷，托跡無所。恨鍾往事，愁結新詩，獨坐閒房，緬懷

我友

池流澹、竹影綠。北山綿亘，盤空曲中有幽人

默坐，眠法筵。鐘磬鳴金玉。古者磬以玉為之，後

鉄所鑄矣。夫音樂並作以鐘始，以磬終。金聲玉振，蓋謂此也。雖釋子梵音未語，樂制鐘磬雜擊。

寧無煩更遡其原本耶。僕故因叶是韻而詳論

之識者當不曉看梅花遠閣東。其名又稱半閣署



處、清馨宵晝同。獨嘯微吟閒。把玩萬片低飛。  
煙霧濛當年。施子最愛爾。栽植滿庭。羨勝已名。  
園古刹。恣尋遊。豈必羅浮異。於是陽春景物肯。  
蹉跎携我登舟。載酒多渚村。自謂終棲遁。忍棄。  
林廬等逝波。徃古寓公嗟。失國我客禪房。屢驚。  
惻強持杖。戒絕清樽。差道旅囊少。赤仄古錢用。  
拙由米不療。貧孤踪轉徙。更悲辛。題詩遙寄幽。  
居子洒淚臨風。落去津初余欲作詩相寄當閣。  
兼有事于武康山中。叙不暇。搦管正擬暮春。  
補撰尚未淹。遲昨偶和彬遠上人歌行原韻成。  
七言古體二章。聲調既集。意興未盡。仍次其韻。  
更作是篇。石農愛梅情深。念友意篤。展閱之餘。

未審亦肯  
答和否也

僕始用彬上人沙河行諸韻呈贈李翁  
閱彼原倡製我和歌。意指所歸。撰述微  
異。又即以是貽上人者。語欲鬪奇。心將  
角勝。經營殊苦。淺拙增慚。漫擬一鳴。徒  
勞再見。今則感從中來。景非外借。托古  
調以散愁。因故人而遣興。詞凡三變。未  
騁寸長。質諸羣公。必發微哂。又况限韻  
蚤定。諧聲悉同。論字句之最難。至蹉跎  
而已。極僅有獨解。更無別義。連用則襲

易置已窮謂欲改換得蹉字而不可得竄其然乎何以  
處此類仍屬和本非風雅所宜率率成  
章斯迺遊戲之作巧妙安施拘陋益甚  
浪誇小技壯夫不為見笑大方鄙人且  
止三月既望淶溪子改定已畢意亂心  
煩厭倦之餘記此示戒

五言絕句

清溪夜泊戲咏

落月數峯西  
霜林鳥夜啼  
小姑何處遇  
惆悵宿清溪

北嶺遠眺

攀蘿凌疊嶂  
倚石挹飛泉  
矯首西南望  
白雲長在天

林下對月

斜月度疎林  
如向雲間出  
桂影綠參差  
風吹兩簫瑟

山行口號

尋山不期深入山不期返願作山中人白雲時  
近遠

月夜見孤雁作

獨唳寒空裡高飛沙樹傍孤情依漢月勁翮避  
胡霜

別離怨

秋雨芙蓉發春風楊柳垂條長空折贈花落倍  
相思

戲咏秋海棠

枝、相倚並葉、自紛披愁看黃花發秋風又  
一時

市門有感

昔日南昌尉孤踪避世深曾為吳市卒誰識漢  
臣心

市門傳故里身世感遺民何似吹簫者真疑乞  
食人

九日遊黃山道中與諸君暮飲菴茂堂

憑高山樹合眺遠海天空寂、雲間雁蕭、松  
下風

壘頭紛刈木籬下虛采菊山氣夕轉佳野色歲  
新熟

桂樹細吐花蓬翼尚岸情涼聽吹葛輕波月穿  
林白

獨坐

獨坐閒亭裡飄風朝復暮落葉向空翻秋聲滿

山樹

雨夜同友人飲

靜聽蒼苔雨同傾白墮春興未搖彩筆得句亦  
驚人

夢友人

別恨生長夜新愁屬蚤春獨為天畔客不見夢  
中人

許氏山亭獨坐

梅林相映門圍、如織素老樹半凋殘寒飈吹  
不住

書卷亦停披獨坐誰為侶亭館寂無聲行人隔  
岸語

小飲李文寓舍即席口占

知我有李侯促膝浮大白無煩問醉醒一斗比

一石

別張村施氏草堂呈石農主人

擊竹聞驅鳥鳴柳省捕魚綠波拋網急丹寔掛  
林疎

空齋淨無塵我書長在几閒挿瓶中花朝、注  
寒水

輓嬾耕上人

大樹東西漫清泉日夜流山僧遺像在語笑一  
時休

奉和石農玉照樓八景原韻

其八景為小閣朝暉平郊返照臯亭晴  
雪香積暝鐘高樹停雲長松捲霧隣園  
天桃禪院叢竹皆  
此樓見聞寔事

石農八絕云高閣迎晨暉雲霞互明  
滅茲意誰與論孤懷自怡悅  
欲沉迤景射林木墟里晚烟浮參差鳥  
歸宿四野悄無聲東山雪初霽倚檻  
縱遙觀閒情默相契後園聊散步乘  
興漫携筇古寺長寥寂鏗然未暮鐘  
喬本勢參天相傳不記年白雲依樹杪  
形影落牕前松林近陰森捲霧如拖  
練涼聽曉晝吹搖曳有餘善兀坐絕  
人事閒眠聽鳥歌桃花何處好春色隔  
墻多小院何清幽修篁引虛  
翠斝杯對此君飲醇不覺醉

萬古青在天赤輪無時滅高牖納朝陽嚴冬倍  
堪悅

近市少禽幽曠野紛喬木倒景掛簷楹須臾環  
列宿

羣峰半有無冥途倏朗霽層巔積雪寒堅卧尋  
吾契

山僧欣駐錫野客厭扶筇清響連晨夕間聽蕭  
寺鐘

爾雲惟片影爾樹已長年米去遙停息高枝動  
我前

蒼霧何鬱然白月明於練風濤靜不聞幽翳亦  
云善

紅花新灼、翫對自成歌春景隣家近翻嫌米

摘多

淨域百千竿繁陰散踈翠慙嵇阮流嬾就林間

醉非

又倒押前題原韻八首志感呈施大

朝、盼望勞倚閣少懽悅日隱蓬瀛東大明豈  
遽滅

風塵正迷茫避地嘗野宿桑榆落照收苦憶鄧  
林木

巖嶂無俗情烟霞有真契遙從雪後首胸臆轉

光霽

曉鷄極急鼓夕梵叩洪鐘方外交堪結尋悠策  
短筇

浮雲出何處徘徊高樹前自笑無家者樓居閱  
歲年

隱者愛松風入耳冷然善拂天枝幹稠暝霧籠  
澄練

君昔渚村住種桃一何多比隣長保此感憶莫  
悲歌

竹廡久羈棲吟罷還頻醉別去旅愁深妬汝偏

蒼翠

已巳歲北郭齋居答和石農中秋對月見

懷四絕句仍和其韻

石農詩 久依河渚住 老遊市廛行 月  
色渾無異 偏傷今昔情 憶昔泛扁舟  
長空萬里秋 醉吟多逸興 何日更同遊  
清光浹碧天 永夜月初圓 獨坐空庭  
迥知君應未眠 華月正當樓塔前  
花樹幽不逢知己 飲深負好中秋

倚牕惟兀坐遠砌但徐行空對高齋月難移孤  
客情

叢篁涼月夕芳桂曉山秋渚畔長樓託能無戀  
舊遊

白眼向青天翻逢月影圓故人今夜隔薄醉且  
高眠

君家玉照樓景物亦清幽月出堪東望頻思昨  
歲秋

戲題蛹閣

繭室漫相嗤蛹閣翻堪喜潔白本無多藏身吾  
足矣

題門下士孫七羸齋二絕句

屈蠖未須伸潛龍奚用躍齋居且閉藏為羸亦  
不惡

所願守身密無勞托跡深半椽堪市隱一勺總  
淵沉

石農屬和姚氏齋舍對菊四絕即用原韻

石農詩云愛此塔前菊紛開紫白花  
幽芳供獨賞莫向外人誇空齋嘉卉

列伴我一閒身迥出風塵外相者意倍  
親身老秋方暮花開霜尚遲門人頻

進酒乞我醉題詩寂寞情無著當  
憇菊正開家庭手植好追憶忽生哀

昔聞陶處士獨坐傍叢花采摘君無意東籬未  
足誇

殘秋興趣少誰慰老夫身庭菊堪娛適幽馨性  
所親



已覺凌霜近難迴落日遲高眠依舊館小飲賦  
新詩

紫白亦無幾黃華何處開寄情憑此物哀病莫

增哀石農有追憶生哀句蓋因宅間盆菊女孫  
所栽秋仲病亡感痛殊切故以結語解豁

也之

六言絕句

法華山即事漫詠簡同遊許沈諸子

林岫啣杯薄暮風雨尋花早春山中得爾為侶

世上知我何人

芒屨藜杖任意幅巾緋袍自如入山我欲采藥

避地誰為結廬

越中雜感

珪穴虛探靈秘蓮舟何處歌聲若耶溪畔風急

宛委山頭月明

碑辭妙好然否門卒沉淪奈何入市猶思梅尉

渡江欲弔曹娥

雪中自沙河灣李丈遂初宅步至倉南施  
大石農齋樓即事

到門座榻頻設或履郊原獨行散比南州孺子  
何如東郭先生

野外同雲漠、天邊急霰飄、幾處疎林慘澹  
一時闕市蕭條

王子閒遊轉棹袁公高卧闔扉寒  
返誰能浪出訪尋我亦遄歸

布褐衝風淒緊葛巾洒雪紛糝疾步故穿曲徑

遙瞻須倚層樓

七言絕句

贈徐子山

濁世憐君是獨醒  
空山寂寞老傳經  
夜深倚戶省天象  
愁對吳中處士星

大辛四十初度

相逢初見二毛新  
感舊論文意倍親  
不必須眉同綺角  
少年早作避秦人

謝遺酒

風雨山村欲暮天  
故人樽酒意堪憐  
但教醉臥還千日  
莫問流光又一年

歸雁

朔風二月滿天山，片影蕭蕭盡北還。  
還渡海却愁何處泊，江南遙隔雁門關。

望遠

粵西遙隔海雲端，帝里皇居路鬱盤。  
度嶺舊開秦象郡，行宮新作漢長安。

日南用武亦雄哉，銅柱重思漢將才。  
為問書生誰杖策，功名須勒趙王臺。

莫道偏安蜀漢同，祇應大舉薊門東。  
滅秦亦藉無諸助，一戰先爭海上功。

南越曾遊陸大夫，漢官今日聚西都。  
桂林一望愁堪絕，湘水茫茫又隔吳。

雜感

曾從市上駕羊車，叔寶神清玉不如。  
一十年前爭者殺，風流憔悴渡功初。

走馬章臺自一時，幾回腸斷在蛾眉。  
長卿消渴猶裁賦，好色他人總未知。

秦川公子困風塵，飄泊羈棲笑此身。  
不必姓名煩記載，永嘉原自有流人。

吳山遙接海雲平，海上風光故國情。  
目斷闔天

南去雁天邊何處五羊城  
秦淮渡口迎桃葉金谷樓中貯綠珠  
遮莫傾城難再得有誰堪繫合歡襦

懷友人江上

孤舟縹緲片帆斜九月單衣定憶家  
一夜江天蕭瑟甚西風吹老白蘋花

客有感西湖風景者賦十無詩以紀之

慨然和焉

處士巖居空綠苔荒涼遺趾不勝哀  
春風嶺上省殘雪可當梅花幾樹開

硯思過宿許氏齋樓即事

寂、秋山小閣幽故人高卧復何求  
更憑飛夢游仙去瓊島風生十二樓

雜感

南天一望捲胡沙萬里烽烟動塞笳  
尚有行宮開屬國可能縮地傍中華  
閒居淚落風塵裡遠望愁生天地間  
但應披裘眠大澤更須采藥向名山

再賦前題

朔雁寒雲去路長思家千里正茫茫  
須知今夕

為何夕那得他鄉似故鄉

溪渚看梅漫成口號

服野蕭然舊葛巾  
幽花相對覺情親  
雪中自有乘舟客  
月下誰為送酒人

老夫獨往多幽興  
遮莫同遊得爾曹  
溪樹蜜連應覓路  
野航徐泛未須篙

美蕓院舍看梅

西隄集句經多歲  
北舍題詩復幾春

予壬子集杜庚申偕

石農分韻倡酬皆寓院舍詵梅所撰事詳前註  
白髮斨、青眼眊  
笑余長作者花人

石農以齋舍瓶花三絕示索和

桃花緋蕊西府海棠牡丹  
一枝春色半橫斜  
折向瓶中駐物華  
雲戶喜無風雨入  
清明猶有未殘花  
結伴苑嬌麗海棠妍  
風韻翻、宛若仙  
結伴空齋同色笑  
非惟不始更相憐  
處、丹臺冷夕陽  
絳帷花朶尚芬芳  
莫疑、上枯榮異  
須信壺中日月長

戊辰除夜即事感懷

除夜、眠耽夜飲  
浮生、訂媿生徒  
撞鐘伐鼓當餘醉  
齋樓與香積也  
把卷含毫總故吾

七言律詩

予東遊海昌多作五言短律許子欲爾見  
而領之因屬賦七言近體遂有此答

壯歲論詩尚渺茫空思載筆向詞場五言已愧  
非劉幹七字何能賦栢梁藝苑西陵方矯、國  
風東海自決、笑余強作巴人調白雪須君有  
和章

與沈次公

桃李春園酒一卮相逢聊復慰相思  
郎向金向論交盡何自名從賣藥知  
方外逍遙龐處士風

流慨慷鄭當時故人獨我踈狂甚青眼省君意  
未移

春日重過語溪有感

汀洲垂柳綠婆娑乘興扁舟此再過百里浮雲  
平野濶孤城古樹暮烟多吳江春色連宮館越  
女風流出苧蘿依舊語兒亭畔路烏啼花發恨  
如何

同許吳二字讀夏君存古遺集感賦

雲間才子陸清河年少如君不啻過賦罷江南  
徒泣市悲木枕畔獨橫戈中天毅魄乘箕上白  
月荒郊唳鶴多手把遺編三嘆息偷生我輩愧  
如何

鐵甕巖城繫橐駝金陵雙闕罷鳴珂報韓有志  
身空奮面洛何心恨獨多寄子未消鷓草怒捐  
生重聽石頭歌南方那得招魂地春色年、長  
薜蘿

贈太原張君

多才新識張公子神解如逢漢歲星家有秘書  
皆綠字手携短劍是青萍雄姿伏櫪心千里華  
髮投簪見獨醒寥落相逢誰白眼十年回首共



沉冥

南山高頂白雲屯，中有瓊臺羽客存。  
漫擬遊仙同許邁，懸知杖術駕劉根。  
空巖習靜丹砂熟，古洞尋真石髓吞。  
便欲拂衣方外去，從君五嶽謝塵樊。

家從伯歸自黃州賦呈

漢水吳山行路難，風塵勞悴鬢毛殘。  
三年歸夢天涯迥，千里晴雲江上看。  
老去空携青玉案，客來都著白衣冠。  
蓬蒿沒徑門長掩，總悵雙懸淚不乾。

初冬偕家季弟慈相山房登眺

丹梯縹緲接遙天，徙倚香臺拂曙烟。  
檻外松篁紅葉映，洞中雲霧白龍眠。  
橋迴夾澗飛流折，路入千峰曲磴懸。  
更是吾曹多逸興，手披殘碣問名泉。

名泉

山中有半月泉為宋蘓子瞻勒石賦詩處

雨中同梁丈啓舍屠二肇邵沉大宏度山

店劇飲醉宿禪舍，即事有作簡呈肇邵。  
旅愁此日增蕭寂，寒雨空山祇樹園。  
共向酒壚傾白墮，漫傳清磬報黃昏。  
新亭忽洒周侯淚，蜀道難歸杜宇魂。  
潦倒窮途長醉卧，悲歌慷慨對

君論

代壽王君

華堂深處綺筵開五月榴花照酒盃  
薦客好將麟脯擘趨庭遂見鳳毛來  
昔年方術傳陽慶老去交情澹仲回  
何事千金誇上壽祇須一拜木公迴

君家亭館近城東水滿河橋花滿叢  
把臂獨能交隱鵠揮絃且欲送飛鴻  
一經有子名家學絕技何人號國工  
此日長生酒善頌翩詞客競稱雄

同陸拒石飲錢茂人齋中遲沈宏度不至  
故人偕飲並南金暇日相尋豁素襟  
恨滿黑頭空破涕歌成白雪有知音  
開筵爾欲傾河朔把臂誰還預竹林  
底事沈郎翻興盡不將清酒共頻斟

過陳氏館晤陳隱君際叔賦贈

傳經轉覺閒居久高臥徒憐豪氣存  
漫說陳登甘問舍還如董博不窺園  
山中歲月驚霜鬢几上圖書近酒樽  
好是從遊惟我密獨將幽意向君論

真隱如君本自稀十年潦倒一單衣  
何心掃室黃塵合滿日浮雲白日微  
燕頰封侯西域迥馬鄉持節故鄉歸  
逢時不厭功名晚落魄休嗟志願違

有僧夢際叔後守吾郡相者亦云法當封爵故語及之

答陳敬之寄懷

高隱者君正少年蓬門寥落舊寒穰  
多愁何似張平子作論還同賈仲宣  
近著正統五百里懷人明月夜  
三秋飛雁白雲天笑余伏枕非消渴  
毛髮于今益可憐陳詩馬卿歲月供多有此答岳風流已二毛故有此答

懷柴虎臣先生吳門山川

天涯孤客屢經年襍被蕭條只自憐  
越國風濤愁鼓檝吳門花月好停鞭  
漸看短髮頻催白豈有閒亭更草玄  
回首西陵多舊侶一時詩酒隔山川

湖上感述示宏度

縹緲吳山越對臺西陵風景好銜杯  
扁舟橫渡晴湖潤一雁低銜宿霧開  
有客黑頭仍皂帽幾人白骨掩青苔  
感家弟敬與暨屠子肇年天歿也相携此日同禽向便擬遨遊五嶽來

已亥元日同海昌許生雨中謁岳于兩公

詞墓感賦

英魂縹緲度湖干，鋒節靈旗雲際看。  
誰向荒祠陳俎豆，空存遺像肅衣冠。  
墓門過雨千山暝，石馬嘶風萬木寒。  
公等豈能忘出塞，吾徒猶自恨偏安。

贈參戎邱公維正二首

崇禎間浙西參將以廉惠著聲今隱居海鹽印灣山中即杖鉞舊地也

虬髯燕額千人傑，玉帳彫戈萬里行。  
壯畧昔年曾許國，幽居此日罷談兵。  
西山爽氣通虛室，東海浮雲接舊京。  
老去白頭翻卓帽，蕭蕭短鬢獨

傷情

高卧空山蓬舍開，海濱舊部重徘徊。  
老臣豈藉投醪術，大將還推下瀨才。  
薊北煙塵愁按劍，江南風景幾銜杯。  
相逢醉尉休呵問，夜一知君野服來。

庚子人日與友人集查石丈兄弟草堂屬賦

草堂樽酒醉醱醱，澹蕩晴暉春晝遲。  
何處客星遙入座，相逢人日共題詩。  
東郊風物供幽賞，南國山川似舊時。  
笑我離家歸未得，花前落雁總

愁思

偕諸君觀查氏女樂

朱唇玉面誰家子  
畫閣春深十五餘  
早向花間工學步  
曾來松下笑停車  
蘓小、有儂乘油壁車西陵松柏下句查氏曾偕居武  
陽春涿水羣相和  
豪竹哀絲兩不  
如顧曲偏宜紅袖近  
銷愁未遽綠樽虛

懷魏美遊茅山

西去江雲傍客舡  
知君獨賦遠遊篇  
隱居不媿陶貞白  
長往還同許叔玄  
好挾羽人尋石髓  
誰驅戰馬塞風烟  
鍾山一望真形勝  
淚盡南都定

鼎年

辛丑元旦感懷呈二許子

陽鳥遙隔海雲端  
旅館蕭森曙色寒  
病起愁逢新歲序  
夢迴空憶舊衣冠  
幾人蓬鬢山中老  
夾徑梅花雨後看  
莫向春光歌復旦  
南天猶自夜漫漫

讀少司馬張公入武林詩哀歌和之即次

原韻甲辰秋日

貝闕鮫宮任所之  
戈船蠲艦罷行師  
名高博望先賢傳  
淚灑睢陽異代祠  
塵霧無邊迷北極  
風

鷓莫護向南枝湖山處、堪悲嘯走馬吹笳屬  
舊夷

再和預擬絕命詞原韻

轉戰江淮憶昔年旌旗歷、鼓闐、祖生肯負  
中流誓楊僕翻迴下瀨船島嶼愁分魚鳥陣衣  
冠淚入犬羊天即省毅魄胥濤湧不必悲歌燕  
市傳

秋暮旅感

荒、寒月照藤蘿颯、秋風起澗阿避地耶堪  
天寶後流人本自永嘉多難從故里安耕稼幾

處深閨艷綺羅少壯羈孤愁恨併窮居無日不  
狂歌

庚戌元日和硯思韻

附硯思詩空村寂、對柳危客子羈  
樓又一時故里漫岳彭澤柳他鄉空和  
杜陵詩憑誰握劍閑星象共爾披裘感  
鬢絲歸去五湖烟水濶扁舟相遇未嫌  
遲

賦贈不菴

傳經永絕風塵跡學易深知天地心無意逃名  
聊賣藥有時乘興獨行吟江雲海日遙相望蓮  
社桃源不可尋聞說高齋多樂事年哀未受二

毛侵

與林子

故交落、總堪哀。四十年間，滿夜臺行野有誰。  
歌黍麥遊仙空自夢，蓬萊泥塗媿我非。高士子林  
為予作高士傳，報汗不敢當，其叙事頗有未真，每欲渠改定，數語而弗可得。文苑如  
君本異才好，過酒壚同醉倒。白頭久向鏡中催

留都旅感再叶屈子鍾山韻

誰握長戈挽落暉，民心人事竟全非。秣陵尚有  
風雲氣，鍾阜曾無日月旂。夜靜如聞石馬嘯，春  
殘那得杜鵑啼。赤符期運開東漢，我欲攀鱗一

奮飛

偕徐炯一遊理安寺，因登山腰閣子飲

時剛同行羅生携酒榼相餉

逶迤古路少塵埃，與客幽尋首重回。溪澗縈紆  
流漸合，巖巒擁蔽到還開。田間稻色當秋熟，門  
外松聲似雨來。更上半山憑小閣，江潮滿眼笑  
傾杯

己巳十二月晦日和孟襄陽除夜韻與施

大石農酒後同賦

襄陽詩云：帳裏殘燈，總有燭爐中香氣。  
遷徙復迴，帳裏殘燈，總有燭爐中香氣。

總成灰漸省春逼芙蓉枕頓覺寒銷竹  
葉盈守歲家、應未卧相思邨得夢魂  
末夜寒輕陽漸迴短髮感時應有淚壯  
心懷古未全灰哀年忠又逢除夕濁酒  
真須酌滿杯為語故人休早寢良宵一  
去肯重來挑燈兀坐漏聲催起步簷  
前星斗迴有限年光同逝水無聊心事  
竹寒仄開居排遣免詩卷老病扶持賴  
酒盃今夜醉眠憑臆去明朝吟望願春  
來

庚午元日齋樓有感即用襄陽前韻呈石

農

天運將無曆數迴餘生甘作不燃灰賦詩欲擬  
殘形操把酒徒慚長命杯元日年、旅感集中

原處、塞塵米妖星塵魃非虛誕荒亂於今亦  
屢催

先朝廟社化塵灰醉裏追思淚滿杯卧宿且須  
高枕擁頭顱安得好冠來小樓當畫晴光暝孤  
容逢春苦調催忍向京華仍北望謾勞斗柄又

東迴

答和沈表姪子庶讀拙集賦贈原韻

子庶詩云遊迹相違揚外有良朋知己何  
須待弔蠅遊迹相違揚外有良朋知己何  
玉壺冰酒狂真足同司隸詩史還堪繼  
少陵世事蚤隨滄海變夢魂空待濁河  
澄蓬飄零漢渚總無家欲傍明河一泛  
槎蓬髻已驚成素雪玉顏猶喜勝丹霞



心傷故國嘶邊馬淚灑空城奏暮笳  
點吳峰似商麓同誰結伴採芝華布  
帽芒屨不厭貧窮居獨往竟誰倫  
抱恨難甯國五夜脚盃但憶親懶向  
邊開把釣愛從堤畔獨尋春桃花處  
紛開落不時信當時解避秦桃野花  
梅開春又迴容華不覺暗中催半生  
魄常為客老去論心尚未厭銀病初  
有路終難到短咏長歌亦足哀

己亥秋孟八首

六月江津大出師樓船歷、漢旌旗連營百里  
軍威壯殘騎千羣敵勢衰豈料水嬉頻置酒頓  
驚大作罷登陴背城一戰君何怯傾國重來我  
獨疑

十載登壇誇訓練三軍裹甲意飛揚那堪鄭將  
逃高克何意秦師敗項梁難恃戈船驅塞馬徒  
張孤矢射天狼三吳豪俠爭投袂淚盡金陵古  
戰場

故國旌旄掛落暉新亭風景尚依稀先登誰扶  
螫孤走轉戰勞將羽扇揮計失全城遲內潰勢  
成搗穴散重圍爭舟坵聽笳聲逼拔幟愁從海  
道歸

漢軍十萬曾深入夾岸艨艟幕府開西楚遙傳  
金鼓震東吳空望檄書來早知灞上真兒戲却

笈枋頭豈將才莫使南天王氣少田橫島畔動  
人哀是

空擬移兵向朔方未聞馳檄下淮揚地險祇須  
先略定天驕何意更猖狂宛城暫閉千群馬楚  
將非餘七日糧縱使歸師翻太急秋江遙望轉  
茫、  
天塹橫戈殺氣遙披堅乘勝果兵驕寧防帳下  
奔張范安得軍中畏呂蕭攻戰未窺黃石秘傳  
宣虛下紫宸朝只今智畧慙橫海何日威名稱  
度遼

苦憶剋裳涕淚繁愁看塵霧海天昏雞鳴山下  
沙蟲變鉄甕城邊野鳥喧積甲深埋諸將血亂  
帆淒斷萬家魂孤軍力戰知無補犄角何方更  
乞援

虛傳京口觀兵盛但說江南動客愁應是燒船  
同赤壁休思飲馬到滄洲滅秦自仗羣雄起復  
楚還憑三戶留落日蒼茫悲遠望風前長嘯握  
吳鉤

旅舍秋感

遊子何方可卜居天涯飄蕩渺愁余紀年漸老

陶徵士避世難希楚接輿露冷空塔吟蟋蟀風  
翻淶水落芙蓉莫疑湖海終淪放豪氣于今未  
易除

金天景物正淒、不斷悲風入鼓輦故國幾人  
還遯鹿中宵有客共聞鷄天邊河漢參差見夢  
裏闕山咫尺迷為問啼鴉空繞樹南飛安得一  
枝棲

江天東接潤州城二水三山拱舊京豈謂胡笳  
吹夜月頓驚漢鼓散秋聲雲梯真愧公輸技風  
鶴空傳初度兵漫向新亭重對酒楚囚何限涕

沾纓

太乙壇前烏夜啼昭陽別殿草萋、班姬無處  
裁紈扇漢使何從祀碧雞塞北荒烟通燧火天  
南妖氣障虹霓憑誰更請長纓往媿我難將一  
劍携

閩海蒼茫分越嶠瀛洲縹緲溯河源早知博望  
槎曾泛似有靈光殿尚存萬里波濤懸日月十  
年兵甲闢乾坤長空欲縱登臨目徙倚高丘轉  
斷魂

楚吳遙隔三千里少小曾為汗漫遊江漢水連

雲夢澤風烟晴敞岳陽樓  
追思花縣趨庭日  
極目荆門故國秋  
沅芷澧蘭堪采佩  
夢魂猶自泛扁舟

荒雲苦霧日冥、穩卧林泉耐獨醒  
高蹈敢追徐孺子  
中興定見漢朝廷  
故宮禾黍勞頻憶  
新市干戈肯遽停  
強閱餘生頭尚黑  
但逢同調眼猶青

懷李四見石

又向西風恣別頻  
單衣短鬢倦游人  
入山慣自依蓮社  
漉酒無妨戴葛巾  
萬里星河今夜白  
三

秋鱸繪故鄉  
新與君定卜南村宅  
稼圃他年老結鄰

客舍蚤春同硯思賦

布衣搖曳風塵外  
蓬髮飄零天地間  
豈料黃巾傾漢祚  
翻教白馬度吳關  
設經揚子猶投閣  
采藥龐公故入山  
好仗濁醪消逸興  
愁將明鏡照衰顏

海霧陰沉嶺樹蒼  
江山黯澹塞雲黃  
兩都陵寢埋秋草  
萬里煙塵接夜郎  
鄧禹勲名偏寂、阮公車轍轉茫、於今歸去知何地  
未聽啼鵲已

斷腸

憶舊雜感

孝陵松柏摧殘盡塞馬晨嘶孤夜鳴尚有中官

供酒埽相傳一二已無大內建旗旌金輿玉几

愁南渡寶劍凋弓想北征莫向留都猶望氣三

山二水一荒城

壬戌冬暮友人贈予七律二章和韻述懷

霜落天高四望同越臺吳樹大江中當年戰守

無遺艦此日飛鳴有斷鴻白浪噴沙青嶂逼赤

輪沉地碧天通祇今遙海餘孤島日送川流獨

向東

身世頻催涕淚流空瞻王國戀神州戴盆過市

誰相識懷刺逢人肯浪投草莽餘生雙鬢盡蓬

萊無路一槎浮迨思少壯驚哀謝歲序於今不

暫留

癸亥雜感追和杜工部甫秋興原韻

杜公秋興檀絕曩古天台薇道人志節

士也遁伏桐江感和八律韻從同、又

以景物紛未意指未盡重復為之亦如

六首音韻欷歔徒勞改竄益醜詞高倍

難符合結撰徒勞改竄益醜詞高倍

學步、難之無論與桐江道人才逸相酬唱

云爾濡毫伸紙  
深藏拙匪瑕俟  
諸異日

山岩野陌徑欹斜  
躡屩扶藜老歲華  
燕市此生寧醉酒  
瀛洲何處可乘槎  
灘沙濺沫多邊騎  
蘆荻翻風徧塞笳  
聞道避秦人境隔  
武谿洞口乍飛花

誰傍桑榆挽落暉  
晨光天畔久熹微  
北來鐵馬健還闔  
南去雲鵬怒未飛  
李老白衣人罕遇  
漢皇赤伏運徧違  
空山百卉紛枯莞  
芝州蕭疎首着肥

葛侯羽扇謝公碁  
懷古徒深故國悲  
大捷淮淝

惟一旅徧安巴蜀  
幸多時人心鬱、遺  
藜盡天  
道茫、悔禍遲矯首  
兩京城關異每因  
瞻望動  
愁思

顛顛支離任白頭  
早春景物又深秋  
河山自足催人淚  
風月終難散客愁  
入市年、逢虎豹隨  
波處、見鳧鷖孤踪  
甘作林間叟幽夢  
空飛海

上州

棲托遙思松林竹  
蕭疎峭蒨更幽森  
烟凝寒翠未朝爽  
雲起晴空散夕陰  
已向青山耽浪跡  
難將白日照愁心  
故人亦有無家者  
莫傍鄉關聽

檮砧

麟閣雲臺舊立功，冠裳遺像畫圖中。  
鄧侯杖策儒生事，蘇子吞壇烈士風。  
帶礪傳家鉄券黑，韜鈴佐命羽旗紅。  
漢庭熏望推羣彥，高蹈何人似

蔣翁

漢人謠楚國二龔不如杜陵蔣翁

甲子冬至奉和石農紀夢原韻

回首風塵不計年，蕭蕭短髮已皤然。  
羨君夢寐能依日，笑我窮愁莫問天。  
老去披襟思縱酒，亂來投筆賦歸田。  
祇今三徑紛花竹，絕勝蓬蒿滿戶前。

陶公絕筆永初年，甲子題詩我亦然。  
感憤願埋七石土，杳冥難測九重天。  
同聲相應遲投袂，非種當除急刈田。  
極目河山風景異，久催清淚落樽前。  
尺

垂楊修竹始何年，籬畔叢花爛欲然。  
獨寐高懸青嶂月，閒居靜對白雲天。  
壺觴忽泛中流漿，簞食聊憑負郭田。  
石農有郭外田數畝頗稱膏腴東廡容予長  
作客狂歌清嘯碧牕前

感嘆

旣裘運畫薊都傾，蕭蕭冠裳戴聖明。  
六合氛埃

齊盪埽百年天地更平成羣雄竊國無長祚諸  
將分茅有大名日月高懸臨照久高皇謨烈在  
神京

江陵當國邊防整戚李威名制屬夷幾處關山  
勞守禦累朝宗社繫安危禍鍾小醜輕窺塞政  
在中權浪出師

兵政謂

將相無人東事壞遼陽荼

毒悔難追

三百年来治亂分天災地變滿傳聞貂璫慣弄  
朝中柄螭劍難收闔外勳

賜螭與尚方劍也

西北民心

時蠢、東南朋黨日紛、貪邪妬佞兼庸懦大

小臣工忍負君

劉石迭興終魏世金元繼起始遼人皇圖本欲  
分夷夏帝業其如有偽真萬里轡御銜翻迅捷  
三邊烽堠尚逡巡西戎部落傳繁盛不信他年  
久作鄰

金陵形勝竟何如閩粵溟黔總廢墟我向人間  
披短褐誰從地下奉鑾輿日沉轉恨揮戈晚電  
掃空思定鼎初佳冢鬱蔥應未歇大江北望即  
淮徐

寄何商隱



卸灣東望有遺民湖海茫、隔去津念爾久虛  
訪戴事咲余更作避秦人山中旅雁聞秋夜渚  
畔寒花放早春鼓棹西遊今已晚東來我欲卧  
松筠

與石農君兼示令嗣作霖

國亡家破涕沾巾漂泊流離獨苦辛不料殘生  
偏命薄但逢同調總情親孤舟入渚迷異境短  
髮居山媿逸民下榻揮觴長醉卧興來踏遍落  
花春

哀老誰堪似轉蓬渚村依隱未逢窮敢將軼事

希王績真有高情過伯通欲報慚無青玉案相  
看厭作白頭翁狂歌縱飲安時命踪跡飄零意  
氣雄

入市何當俗累侵渚中偕隱歲年深我疑賣藥  
非長策誰識傳經豈夙心老去看人宜白眼迺  
未結友重黃金相携願作高飛雁影落沙洲不  
可尋

乙丑冬十一月三登郡城感賦

厭聽城頭奏塞笳愁逢域內散胡沙風塵真作  
尋常事煙火仍餘百萬家閭井變遷疑運數

西謂

城屯營 數里 冬春流轉恨年華 高空徒倚徒長嘯 目送雙峰夕照斜

錢唐懷古

花滿隄塘有萬枝 柳陰搖漾綠垂垂 隄羅鉄馬來吳日 重想金牛出漢時 葛嶺煙霞迷洞壑 岳墳雷雨見旌旗 前朝勝跡都尋探 無限襟情轉益悲

本朝人傑推忠肅 端敏勲猷亦次之 尚有諸賢堪頌法 屢從歷代動懷思 山中魂魄留荒塚 湖上冠裳見廢祠 郡志獨傳比國史 陳公直筆莫

疑輕

萬曆初雲南藩伯黃亭先生撰杭州府志品騰簡核識者皆以信史目之也

西陵人物當衰亂 儒雅風華世所推 幾處詞人

紛避席 一時隱者對街杯 潔身高舉惟汪美

汪

字魏美昔人多有稱馬卿楊雲者 殉骨孤忠有陸培 月出夜遊

逢陳好 諸君子 相携重傍大湖來

高岡何處尋幽塚 改墓當年秘不傳 東市衣冠

驚罕見南冥 日月嘆空懸

前此惟駐兵南洋若鄭師所聚則皆在北

也 未將碧血歸孤島 真有丹心徹九泉 安得廟

碑題建早明州司馬一新阡

西湖憶舊

予曩作西湖雜咏二十四首近感十六  
首皆五言短律景物間遺情事未盡揆  
諸鄙衷不無負憾茲更賦憶舊述愁七  
律凡得三十有六其景物曾遺者或續  
成之情景欲盡者復進及之前後雖云  
互異多寡畧足相當但指歸有在偶患  
意同句調稍繁乍嫌辭複此雖僅存二  
三然終非千百鍊以出之者徒覺神未  
極知才盡反覆展視猶尚未愜于我心  
也棄置未能改定匪易姑一一錄存之  
寄我慨  
慕云尔

朱仙大捷氣雄哉誓奪黃龍醉酒杯國有孤忠  
夷夏忘獄成三字古今哀群奸鉄像空長跪辱  
主金牌故屢催留得南枝憑吊近墓門瞻謁獨  
低徊

湖中眺望宜幽寂獨上高樓復倚亭澗道迢  
未北嶺鐘聲隱、出南屏錢王古廟苔痕碧孫  
監新堤草色青愛泛小舟迴棹緩煙波曉暮雨  
冥冥

和靖清風不可攀高踪栖遁有孤山幽禽乍放  
披雲下小艇頻浮為客還城市半生真絕迹林  
花四望獨開顏湖流澄潔堪相比祠墓千秋激  
懦頑

律禪同異分僧刹宮觀高深總道家淨土有如  
今世界洞天無復舊煙霞謫官提舉煩相乞小

乘宗師枉自誇南宋諸皇崇奉甚湖山遺構正  
堪嗟

山川靈氣生豪俊少保忠勳自古稀獨握兵符  
驅虜走重安國祚待君歸奪門翻訝聞鐘早赴

市都驚賜劍非塚墓森幽祠廟肅御碑讀罷淚  
空揮碑載憲忠手詔有先帝已知  
其在朕心寔憐其忠等語

湖上述懷

寺居山北稱靈隱路入湖南說淨慈殿閣崇高  
栖怖鷓門庭廣大出神獅無妨梵唄兼夷語稍  
覺緇袍近藻儀避世幾人甘寄跡幽襟逸致有

餘思江公夢破憚公遜菴皆與靈隱具德結方  
外交先後祝髮淨慈豁堂則更與逃禪隱

流情契篤密人難悉數江憚于予為前輩風所  
欽尚兩上人迺主南北二寺者予曩亦曾相識  
及並

寶所山中隱者居謂注孝廉魏美寶  
所山一名寶石 憑臨日、

對清虛漫勞俗客停鞍騎獨閑閒房讀道書

尺尚存愁髮鬢百年未半惜邊廬君破時四  
十有八 素

交惟爾真高潔政國衣冠儼自如

年、秋月又春風淑氣晴光澹蕩中南渡湖山

留翠輦西陵松柏繫青驄我憐艷曲傳名伎誰

念遺墟訪故宮幼小尋遊歡賞遍荒涼愁殺白

頭翁

有客幽閒久息機相逢物外乍相依青萸白藕  
摘來好黃葉丹楓見亦稀山上牛羊何濯、水  
邊鷗鷺自飛、少年韶錦多狂縱衰老誰憐大  
布衣

紫雲洞近白沙泉巖樹幽森一道穿禪宇高低  
臨曲磴民居隱見隔平田登樓靜觀對林間鳥  
過嶺適衝天際烟暮草凋零蘚碣暗岳家部將  
兩堪憐謂牛將軍鼻張烈文憲也鼻夢墓在  
霞嶺北憲墓即在岳墳西偏相距二里  
近而

烏鯽丹蝦捕可餐紅蓮白桂米初殘四時景物  
能無羨千頃烟波尚足看旅客閒遊欣得句哀  
年縱飲強扶冠何當卜宅西湖曲十二橋頭把  
釣竿

平生逸興在林皋落、孤踪咲二毛賴有餘年  
耽敝褐竟須米日泛輕舸跨驢未覺封王貴韓  
王鮮兵柄後常跨一小驢放鶴終成處士高遙  
縱遊西湖以自樂見本傳憶兩賢徒仰嘆湖濱乍別夢魂勞

已亥冬孟留別離咏

余曩作留別諸咏時慮有傳洩凡親朋  
姓字及家之弟姪名呼皆取其意義音

韻不相分致緘者槩為更定後不果行此詩  
遂今茲冬月徧集舊藁循覽反復不忍  
毀棄因附錄於上言近體之末聊存鄙  
志兼素交非徒戀彼雞肋所更定者郭  
若其姓字名呼仍從疇昔所更定者郭  
公尹氏且復傳親亡是烏有若同虛設  
誤書思之當嘿喻于胸臆間也時乙卯  
十一月望後七日

與季弟朗端

單衣短劍遠辭家霜色凋殘十月花  
矯首鄉關增旅思斷腸兄弟隔天涯  
南樓處醉江邊月北時  
武昌東渡真餐海上霞縱是催歸勞  
夢寐須知相見換年華

予欲采槎浮大海汝仍築室傍西湖

朗端所居名小西湖

邨堪賦役妨生計轉覺窮愁廢嘯歌  
雙鯉沉浮

波去急孤鴻嘹唳夜深過語兒亭畔  
頻迴盼夏俊

姪近橋住語離別於今灑淚多

與燦都畿實宙吉諸君伊泰廣權慧羯諸

子

伏波下瀨氣雄哉畫戟牙旗幕府開  
漫擬運籌依虎帳那能傳檄過龍堆  
蹴天黑浪戈船湧匝地黃塵笳吹哀  
夙昔與君同起舞著鞭偏媿祖生才

吳中處士少微星同調相憐本獨醒豪氣每生  
廣武嘆幽居自草太玄經青天萬里情遙落碧  
海扁舟路杳冥安得諸公齊橐筆燕然山上去  
題銘

與木公豹鄰兼呈田君遇伯

鬢顏蓬髮益淒其襤被單衣任所之分手遙增  
遊子歎論心未免故人疑何妨班掾輕投筆不  
向秦庭浪乞師愁殺歸來落雁後入春花發倍  
相思

與汪莊持克敬道廉示金朗善宇祥審士

諸子

翩、年少總清流灑淚相省盡黑頭交似阮嵇  
常縱飲人誰王邴結同遊南天星斗明龍劍東  
海旌旗拂蜃樓莫道異鄉書札少高飛朔雁滿  
沙洲

與江先生梁嘉

君向西谿獨往還梅花千樹又將攀潯陽處士  
頻移宅柱下真人未出閨拂袖清風來廣座啣  
杯明月照空山蓬萊有路余長往先乞丹砂一

駐顏

梁嘉習修練  
術故語及之

與余君汝岩

何處烟塵蔽漢天  
滄洲日月尚高懸  
還家羞說梁江總  
蹈海情同魯仲連  
有雄文成倚馬  
遙省積水墮飛鳶  
與君兩地悲離闊  
早晚乘風更著鞭

再與審君畿實

貧病真知心跡清  
憐君壯氣復縱橫  
遙省海上旌旗色  
豫結江東子弟兵  
三秋戰伐留遺恨  
金陵近事孤客風濤賦  
遠征自有雁書堪  
憫別休疑馬草遽捐生

與高先生坤元

省君髮鬢更蕭條  
老去風塵恨未銷  
莫道掃除徒一室  
竟須起舞向中宵  
我同精衛勞填石  
誰向鷓鴣競射潮  
不是少年輕掉臂  
江南何地可漁樵

與桓子佚遙

憐君善病仍高卧  
笑我窮途恣浪遊  
問道獨探豺虎穴  
聞假道處北片帆遠度鳳麟洲  
越吟漫作思歸引  
漆室偏深宗國憂  
欲向行間參末議  
連兵何路達梁州  
滇黔省會屬禹貢梁州界今則消息久斷矣



與譚子鉅庚兼呈桓巖夫高濤起始興慎

斯諸君子

回首交情別恨初相省  
還 轉蕭疎獨携阜帽  
今浮海共向青山舊  
結廬非閑貧病長高枕  
翻藉窮愁老著書  
此去相思明月夜  
故人顏色竟何如

與譚子願汝

本朝歷、舊山河滿日  
烟塵歲序過江左何人  
還擊檝日南無地可揮戈  
相傳點阮公車轍窮  
途徧漢將功名出塞多  
見說從戎須俠少書生

杖策竟如何

天心莫向幽燕問  
王氣先將吳越看  
萬里烽烟連北極  
十年涕淚盡南冠  
賦詩空擬從軍樂  
仗劍真愁行路難  
欲語樓船諸幕府  
可無竒計縛呼韓

巋然何處魯靈光  
漢室依憑事渺茫  
久罷撫軍

虛擁戴獨專授鉞護疆場  
監國自舟山初臨後罷政開居兵柄盡歸

鄭氏山中豺虎仍當道  
泣 龍鼉待駕梁日落

提戈如力戰爭者  
迴照上扶桑

大將登壇膽力雄  
名藩帶礪海天東  
閻鄭帥已封延平郡

王亡秦此日須陳勝奉漢他年比竇融作論久  
知王命在枕戈期與故人同臨淮壁壘知何處  
犄角寧無間道通謂李海寧也  
昆明習戰無消息負嶠探竒足隱淪搖落初逢  
孤島月間閑肯負百年身布衣穩傍青油幕蓬  
髮羞看烏角巾人事天心都莫論寥、草澤有  
遺民

聯牀秉燭共歎歎把臂論心淚濕衣何似友生  
逢豫讓偏無妻子托朱暉花飛亭沼虛游屐日  
落山樓自掩扉未便相看成永訣期君白首願

同歸

與汪子克敬時客游三衢間

越江吳地經年別朔氣陰雲又歲寒念爾羈棲  
頻嘆息憐余行路轉艱難神山遙見三珠樹海  
浦長携一釣竿愁思只今憑遠寄隨潮西去渡  
巖灘

再與同郡諸隱君

蘆中窮士芰荷衣欲向滄海釣磯此去轉驚  
頭髻改相逢誰識姓名非擬改梅翁自壺故鄉朋侶時  
相憶孤島帆檣畫合圍望斷西陵橋畔路春來

花草自芳菲

五言排律

贈汪魏美孝廉

吾黨推高隱惟君心跡兼  
西湖堪嘯傲北郭恣幽潛  
逃俗寧濡足行吟自拂髯  
竹林遊本達蓮社戒無嫌  
賣藥生涯拙餐薇歲月淹  
龐公不入市嚴叟但垂簾  
且盡丹砂秘休嗟白髮添  
同心交綺角極日向滇黔  
夙昔金臺迴蹉跎漢孝廉

預挽張元岵先生

余既為元岵先生作輓歌矣許子大辛謂余本擬五言長律奈何以樂府變調易之迺撫然其有諾責也更賦二十二韻蓋陶徵士自挽至三章薤露蒿里舊

傳兩曲安在徐生之歌一之為已足也  
聊用解嘲非閱當泣若比之張麟表山  
松輩好為哀  
唱余何取焉

海畔推耆舊吳中有大區  
華原武庫學業是

經厨鳴鹿開秋宴探駟得夜珠閔河遙攬轡壇

玷擅操觚頻蹶燕臺駿遲飛葉令鳧

曾謂選得  
邑令未受

榮名銷壯氣暮齒厄窮途塞北塵氛入江南景

物殊隱居愁挂幘長往憶乘桴落、鬚眉在稜

稜風骨孤先生真翫麟後輩共柳榆裘馬驕妖

魅衣冠厭老儒早知成獨醒邨復望嘘枯松柏

寒猶茂桑榆日漸徂著書空慘澹對酒暫歡娛

憤甚馮都尉悲同楚大夫百年渾易盡七尺竟

何須祈死憑宗祝全歸感髮膚幽情鍾彼美哀

輓屬吾徒豈即攀車緋依然擊唾壺芝蘭甘剪

敗蕭艾任榮敷玄冕虛徵夢菴蒼天莫遽呼我

慚徐孺子翻為執生芻

贈毘陵惲仲升先生

先生遊跡緇流與繼  
起上人結方外交雅

相萬密來止金粟精舍者久之今還毘  
陵將有廬山之遊子於別後賦此寄贈

有美延陵地清流夙所鍾經綸推國士學術擅

儒宗卓犖高名著飄零厄運逢兩都纏殺氣萬

戶入邊烽北望山河異南奔閔塞重飛書曾倚

馬杖策待攀龍五餌勞籌畫諸軍藉折衝  
邨堪鳥集幕幾作雉罹量令子存亡隔他鄉涕淚濃  
歸來餘萬死老去一孤蹤悽惻蘆中士消遙石  
戶農巖居操桂樹野伏製芙蓉忍對新亭酒間  
聽白社鐘毀形猶夏馥托跡異何顛似爾情偏  
苦今茲道莫容淹留閔氣誼邂逅豁心胸握麈  
皆精理揮毫並選鋒典刑非落寞風度自溫恭  
御李欣初得依劉惜未縱夢魂竹壁壘消息但  
朦朧斜日桑榆挂遙天煙霧封寸腸真激烈短  
髮尚蒙茸旅館春愁悶川途樹色穰別離翻擊

權憑眇好扶筇欲問幽棲處匡廬第幾峰



馬杖策待攀龍五餌勞籌畫諸軍藉折衝邗堪



詩  
馬杖策待攀龍五餌勞籌畫諸軍藉折衝邗堪



